

# ጳውሎስ ተሴሎንቄ አሳሰ ፃፊዳ ኮይር ኪታ ጋሳ ቆፋ

ተሴሎንቄይ፡ ርሜ ቢታን ዳዒያ ማቄደኒያ አውራጃስ ዋና ካታማ። ጳውሎስ ፊልጲሲዩሳ ዩዲዲ ቢዳፔ ጉዬ ተሴሎንቄን ዋሳ ኬላ ኤሲስ። ገደሺን፡ አይሁዳታ አማኑዋ ኤካናው ጊጌቲዲ ኡቲዳ አይሁዳ ገደና አሳይ፡ ጳውሎስ ታማርሲያ፡ ኪሪስቲና አማኖ ቲሚርቲያን ያኔቲዳ ጊሾ አይሁዳቲ ቃናቲዲ፡ ጳውሎሳ ቲሚርቲያ ጳልቂዶሶና። ሄሳ ጊሾ፡ ጳውሎስ ጋምዖናሺን ተሴሎንቄ ዩዲዲ፡ ቤሪያ ቢስ (1:9-10)። ጉዬፔ ኢ ተሴሎንቄ ጋኪዳ ዋዴ ኢያ ማዲያ ፃሞቲዮሲ ተሴሎንቄ ዋሳ ኬላን ዳዒያ ሃኖታ ኢያው ጌሺዲ ኦዲስ።

ጳውሎስ ኮይር ኪታ ተሴሎንቄ አሳሰ ፃፊዳይ፡ አማኒያ አሳ ዘራናሳኔ ሚንሴላናሳ። ኢ ኤንታ አማኑዋኔ ኤንታ ሲቁዋ ሎዖ ማርካቴላ ሲዲዳ ዋዴ ያሳ ጋላቲስ። ካሴ ኢ ኤንታ ጊደን ዳዒዳ ዋዴ አይ ሜላ ዱሱ ዳዒዳኮ ኤንታ ሃሳይሴስ። ሄሳፊ ኪሪስቲሳ ናምዓንሉ ዩሳባ ኦይሾቲዳ ኦይሻስ ዛር ኢሜስ። ሄ ኦይሻታፔ ጉላቲ፡ «ኪሪስቲሳ ናምዓንሉ ያናፔ ሲንሴ ሃይቂዳ አማኒያ አሳ ኪሪስቲሳ ዩሳይ ኢሚያ ሜሪና ዴዖ ኤካናው ዳንዳዲ? ኪሪስቲሳ ናምዓንሉ ያናይ አዉዴ?» ጌቲቲይሳታ። ጳውሎስ ሄ ኢንጄ ዋዲያ ጎዔቲዲ፡ «ኪሪስቲሳ ናምዓንሉ ዩሳ ኡፋይሳን ናጊሼ ኢ ያና ጋካናው ዋፑ ጊዲ ሂንቲ ኦሶ ኦሊቲ» ያጊዲ ዘሪስ።

## 1 ተሴሎንቄ ኪታ አይፊ ቆፋታ

- ጌሎ ቆፋ 1:1
- ጳውሎሳ ኡፋይሳኔ ጋላታ 1:2-3:13
- አማኒያ አሳ ዴዖ ካሌሱዋ 4:1-12
- ኪሪስቲሳ ናምዓንሉ ዩሳባ 4:13-5:11
- ዉርሴላ ዘሬ 5:12-22
- ኩሻ ቆፋ 5:23-28

1 ጳውሎስ ሲላሴይኔ ፃሞቲዮሲ ተሴሎንቄ ዋሳ ኬላን ዳዒያ፡ ያሳ አዋባኔ ጎዳ ዩሱስ ኪሪስቲሳባ ጊዲዳ አሳሰ ፃፊዳ ኪታ።  
አጾ ኬሃቲላይኔ ሳርይ ሂንቲው ጊደ።

ቴሴሎንቄ አሳ ደዑዋን አማኑዋ

2 ኑኒ ያሳ ዋሲያ ዋዴ ኡባን ሂንቴና ቆፒሼ ሂንቴ ጊሾ ኡባ ዋዴ ያሳ ጋላቶስ።

3 ያሳ ኑ አዋ ሲንፋን አማኖን ሂንቴ ኦሊዳ ኦሱዋ፡ ሲቆን ሂንቴ ዳቡራዳ ዳቡራን ዩሱስ ኪሪስቶሳን ዳዒያ ኡፋይሳ ኤካናው ሂንቴ ሚኒዲ ኤቁዳ ኤቁዋ ኡባ ዋዴ ቆፖስ።

4 ኑ ኢሻቶ፡ ያሳይ ሂንቴና ደሴይሳን ባ ኣሴ ኦሊዲ ሂንቴና ደሪዳይሳ ኤሮስ።

5 ኣይስ ጊኮ፡ ኑኒ ዋንጌላ ደና ዓላላን ጊደናሺን ዋልቃን፡ ጌሻ ኣያናኒኔ ዋንጌላ ቱማ አማኖን ሂንቴው ኤሂዳ። ኑኒ ሂንቴራ ጋምዒዳ ዋዴ ኡባን ሂንቴ ጊሾ ዋኒዲ ዳዒዳኮ ሂንቴ ኤሬታ።

6 ሂንቴ ዳሮ ማቶ ኤኪኮካ ጌሻ ኣያናይ ኢሚያ ኡፋይሳን ኪታ ኤኪዳታ፤ ኑና ኅዳ ዳኒዳታ።

7 ሄሳ ጊሾ፡ ማቁደኒያን ኣካያ ቢታን ዳዒያ አማኒያ ኡባስ ለሚሶ ጊዲዳታ።

8 ጎዳ ቃላይ ሂንቴፊ ኬዩዲ፡ ማቁደኒያን ኣካያ ዓላላን ጊደናሺን ያሳ ሂንቴ አማኔይሲ ኡባሶን ሲዔቲስ። ሂዛ፡ ኑኒ ጋናባይ ኣይኮይካ ባዋ።

9 ኑኒ ሂንቴኮ ቢዳ ዋዴ ሂንቴ ኑና ሞኪዳ ሞኩዋን ሂንቴ፡ ሂንቴ ኤቃ ኣጊዲ ቱማን ዳዖ ያሳ ሃጋዛናው ሂንቴ ሲሚዳይሳ ኤንቲ ባንታ ሁዔን ኦዶሶና።

10 ቃሲ ያሳ ናዓይ፡ ዩሱሲ፡ ያሳይ ሃይቆፔ ዳንፊዳይሲ፡ ሲንፋፊ ያና ያሳ ሃንቁዋፊ ኑና ኣሻናይሲ፡ ሳሎፔ ያናይሳ ሂንቴ ናጌይሳ ኤንቲ ማርካቶሶና።

# 2

ጳውሎሲ ቴሴሎንቄን ኦሊዳ ኦሱዋ

1 ታ ኢሻቶ፡ ኑኒ ሂንቴኮ ቢዳይ ማላ ጊደናይሳ ሂንቴ፡ ሂንቴ ሁዔን ኤሬታ።

2 ሺን ኑኒ ሂንቴኮ ቴሴሎንቄ ያናፔ ሲንፊ ፊልጲሲዩሳ ካታማን ዋዩቲዳይሳን ጫዩቲዳይሳ ሂንቴ ኤሬታ። ዳሮ ኢያይ ዳዒኮካ ሂንቴው ኢያ ዋንጌላ ኦዳና ማላ ያሳይ ኑስ ሚኖቴሊ ኢሚስ።

3 ኑኒ ሂንቴና ዘሪዳይ ባሌሶን ዋይኮ ጪሞን ዋይኮ ጌኔን ጊዳና።

---

1:6 ሃ.ኦ 17:5-9    2:2 ሃ.ኦ 16:19-24፤ 17:1-9

4 ሺን ያሳይ ኑናን አማኔቲዲ ባ ዋንጌላ ኦደና ማላ ኑስ ሃደራ አሚዳ ጊሾ ኦደስ። ኑ ሄሳ ኦሴይ ኑ ዋዛና ቤዒያ ያሳ ኡፋይሳናሳፌ አቲን አሴ ኡፋይሳናሳ ጊዳና።

5 ኑ ሚሼ ያሪዲ ዋርዶ ሂንቴና ሳቢሼ ሂንቴኮ ዮናይሳ ሎይሊዲ ኤሬታ፤ ያሳይ ኑስ ማርካ።

6 ኑኒ ሂንቴፌ ጊዲን ዋይኮ ሃራ አሳ ኦዳፌካ ቦንቾ ኮዪቦኮ።

7 ኑኒ ኪሪሰቶሳ ሃዋሬ ጊዳይሳዳ ኑስ ኮሺያባ አሚቴ ጊዲ ኤካናው ዳንዳዖስ። ሺን አያ ባ ናይታ ዲቼይሳ ማላ ሂንቴ ጊደን አሽኬ ጊዲዳ።

8 ኑ ሂንቴና ደሲዳ ጊሾ ያሳ ዋንጌላ ሂንቴው ሻኮ ዓላላ ጊደናሺን ኑ ዳዑዋካ ሂንቴው አማናው ጊጊዳ። ሂንቴ ኑስ ዳር አልዖ።

9 ኑ አሻቶ፣ ኑ ኦሱዋኔ ኑ ዳቡራ ኤሬታ። ሂንቴው ያሳ ዋንጌላ ኦዲሼ፣ ሂንቴና ዋይሶና ማላ ቃማኔ ጋላስ ኦሊዳ።

10 ኑ ዴዖይ ሂንቴ አማኔይሳታ ማታኒኔ ያሳ ሲንጻን ጌሺ፣ ዲሎኔ ቦሬቶናይሳ ጊዳይሳስ ሂንቴ ማርካ።

11 ኑኒ ሂንቴው ሁዔን ሁዔን ዬሊዳይሳቲ ባንታ ናይታስ ሃኔይሳዳ ሃኒዳይሳ ኤሬታ።

12 ኑ ሂንቴና ዘሪዳ፣ ሚንሌሊዳ። ቃሲ ባ ካዋቴላኔ ባ ቦንቹዋ ሻካናው ሂንቴና ያጊያ ያሳ ኡፋይሲያ ዴዖ ሂንቴ ዳና ማላ ሂንቴው ሚንሊዲ ኦዲዳ።

13 ሂንቴው ኑኒ ያሳ ቃላ ኦዲዳ ዋዴ አሳ ቃላዳ ጊደናሺን ያሳ ቃላዳ ሲዒዲ ኤኪዳ ጊሾ ኑኒ ኡባ ዋዴ ያሳ ጋላቶስ። ኢ ቱማ ያሳ ቃላ፤ ያሳ ቃላይ አማኒያ ሂንቴናን ኦሴስ።

14 ታ አሻቶ፣ ሂንቴ ዪሁዳ ቢታን ዴዒያ ዋሳ ኬላታኔ ያን ኪሪሰቶስ ዬሱሳ ካሊያ አሳታዳ ሃኒዴታ። ኤንታ አይሁዴቲ ዋይሲዳይሳዳ ሂንቴናካ ሂንቴ ቢታ አሳይ ዋይሲደሶና።

15 ሄ አይሁዴቲ ጎዳ ዬሱሳኔ ናቤታ ዋዲደሶና፤ ቃሲ ኑና ጎዲደሶና። ኤንቲ ያሳ ኡፋይሶናይሳታኔ አሴ ኡባ አይደሳታ።

16 ኤንቲ ሃሪ አቶሺን፣ አይሁዴ ጊደና አሳይ አታና ማላ ኑኒ ኤንታው ቃላ ኦዳይሳ ዲጎሶና። ሄሳዳ ሃኒዲ ኤንታ ናጋራ ፀዓይ ኩማና ጋካናው ኡባ ዋዴ ናጋራ ኦሶሶና። ዉርሴላን፣ ያሳ ሃንቆይ ኤንታ ቦላ ዋዴሰ።

ጳውሎሲ ቴሴሎንቄ አሳ ዛሪ ቤዓናው አሞቲስ

2:14 ሃ.አ 17:5      2:15 ሃ.አ 9:23፣ 29፣ 13:45፣ 50፣ 14:2፣ 5፣ 19፣ 17:5፣ 13፣ 18:12

17 ሺን ኑ አሻቶ፡ ኑኒ ኑ ቆፋን ጊደናሺን አሾን ሂንቴፌ ሻኬቲዲ ጉላ ዎዴ ጋምዒዲይሳን ሂንቴና ዳር ላሞቲዲ ቤዓናው ኮዪዳ።

18 ኑ ሲሚ ሂንቴኮ ባናው ኮዪዳ። ታኒ ታ ሁዔን ሂንቴኮ ባናው ኮያሰ፡ ሺን ፃላሄይ ኑና ዲጊሰ።

19 ሂዛ፡ ኑ ጎዳ ዬሱስ ከሪሰቶሲ ያ ዎዴ ኑ ኡፋይሳይ ዎይኮ ኑ ጩቁቲያ ኑ ካላቻይ ኦኔ? ሂንቴና ጊዳኬቲዬ?

20 ቱማ ሂንቴ ኑ ቦንቾኔ ኑ ኡፋይሲ።

### 3

1 ሄሳ ጊሾ፡ ኑስ ጌንጫናው ዳንዳዔቶና ኢዲን፡ አቴና ካታማን ኑርካ አታናው ቆፋ ቃቸዳ።

2 ሂንቴና ዘራናዳኔ አማኖን ሂንቴና ሚንሌላናዳ ኑራ ኢሲፌ ያሳሰ አሌይሳኔ ከሪሰቶሳ ዎንጌላ ኡዲያ ኑ አሻ ዲሞቲዮሳ ሂንቴኮ ከቲዳ።

3 ሂንቴና ጋኪዳ ጎዳን ሂንቴፌ ኦኒካ ጉዬ ሲሞፎ። ሄ ጎዳይ ኑስ ያሳ ሺኔ ጊዳይሳ ሂንቴ፡ ሂንቴ ሁዔን ኤሬታ።

4 ኑ ሂንቴራ ዳዒያ ዎዴ ጎዲ ጋካናይሳ ሂንቴው ኮይርቲዲ ኡዲዳ። ሂንቴ ኤሬይሳ ማላ ሄሳዳ ሃኒሰ።

5 ሄሳ ጊሾ፡ ታው ጌንጫናው ዳንዳዔቶና ኢዲን፡ «ኦኒ ኤሪ ፃላሄይ ኤንታ ፓጪዲ ኑ ዳቡራ ማላ አሻና ኣጌና» ጋዳ ሂንቴ አማኑዋባ ኤራናው ዲሞቲዮሳ ሂንቴኮ ከታሰ።

6 ሃዒ ዲሞቲዮሲ ሂንቴ ማታፔ ዪዲ፡ ሂንቴ አማኑዋባኔ ሂንቴ ሲቁዋባ ሎዎ ዎሬ ኡዲሰ። ቃሲ ሂንቴ ኡባ ዎዴ ኑስ ሎዎ ቆፔይሳኔ ኑኒ ሂንቴና ቤዓናው ላሞቲይሳዳ ሂንቴካ ኑና ቤዓናው ላሞቲይሳ ኢ ኑስ ኡዲሰ።

7 ታ አሻቶ፡ ኑና ጋኪያ ዎያኒኔ ኑ ማቶ ኡባን ሂንቴ አማኑዋ ጊሾ ሂንቴናን ማኔቲዳ።

8 ሂንቴ ጎዳን ማኒዲ ዳዒኮ ኑካ ዳዎን ዳዎሰ።

9 ሂዛ፡ ኑኒ ሂንቴ ጋሰን ዳሚዳ ኡፋይሳሰ ያሳ ዋቲ ጋላቲና?

10 ኑኒ ሂንቴና ቤዓናውኔ ሂንቴ አማኑዋን ፓጪዳባ ኩንላናው ቃማኔ ጋላሰ ኑ ኩሜላ ዎዛናን ያሳ ዎሶሰ።

11 ያሳይ ኑ አዋይ ባ ሁዔኒኔ ኑ ጎዳይ ዬሱስ ከሪሰቶሲ ኑ ሂንቴኮ ባና ኦጊያ ገጊሶ።

12 ኑ ሂንቴና ዳር ደሴይሳዳ ጎዳይ ሂንቴ ኢሶይ ኢሱዋ ሲቁያ ሲቆኔ ኣሴ ኡባ ሲቁያ ሲቆ ሂንቴው ዳርሶኔ ጉጅ።

13 ኑ ጎዳይ ዩሱስ ኪሪስቶስ ባ ጌሻታራ ያ ዎዴ ያሳ፣ ኑ አዎ ሲንላን ሂንቲ ዎዛናይ ጌሺኔ ቦሬይ ባይናይሳ ኦሌዲ ኢ ሂንቲና ሚንሌላና።

# 4

## ያሳ ኡፋይሲያ ዴያ

1 ወርሴላን፣ ታ አሻቶ፣ ያሳ ኡፋይሳናው ሂንቲ ዎኒዲ ዳናው ቤሲያኮ ኑፔ ታማሪዴታ። ሄሲ ሂንቲ ኮይርፔ ዴዲዳ ዴዐቀ፣ ሺን ሃዲ ሂንቲ ካሴይሳፌ አሌዲ ኦላናዳ ጎዳ ዩሱሳ ሱንላን ሂንቲና ዎሶሲኔ ዘርሰ።

2 ኑኒ ጎዳ ዩሱሳ ማታን ሂንቲና ከቲዳ ከታይ አወሴኮ ኤሬታ።

3 ያሳይ፣ ሂንቲ ጌሺ ጊዳና ማላኔ ላይማቶና ማላ ኮዬሰ።

4 ሂንቲ ኢሶይ ኢሶይ፣ ሂንቲ ማቼታራ ጌሻቴላኒኔ ቦንቾን ዳናው ቤሴሰ።

5 ያሳ ኤርናኔ አማኖና አሳዳ ላይማቴላ አሞን ፀጌቶፊቴ።

6 ኑ ካሴ ሂንቲው ኦዲዳይሳዳኔ ሚንሌ ዘሪዳይሳዳ ጎዳይ ሄሳ ማላባ ኦሌያ ኡባ ፒርዲያ ጊሾ ኦኒካ ሃይሳታን ባ አማኒያ አሻ ሩቃናወኔ ጨማናው ቤሴና።

7 ያሳይ ኑኒ ጌሽቴላን ዳና ማላፔ ኦቲን ቱናቴላን ዳና ማላ ጭሊቤና።

8 ሄሳ ጊሾ፣ ሃ ቲሚርቲያ ኢጻያ ኦኒካ ሂንቲው ጌሻ ኣያና ኢሚያ ያሳ ኢጻሰፔ ኦቲን ኣሴ ጊዴና።

9 ሂንቲ ኢሶይ ኢሱዋ ዋቲ ሲቃኔኮ ያሳይ ሂንቲና ታማርሲዳ ጊሾ ሃዲ ሲቆባ ኑ ሀንቲው ፃፋናው ኮሼና።

10 ቃሲ ማቄደኒያ ቢታን ዴዲያ አማኒያ አሻታ ኡባ ቱማ ሂንቲ ደሴታ። ሺን ኑ አሻቶ፣ ሃዲካ ሂንቲ ኤንታ አሌ ደሳና ማላ ሂንቲና ዎሶሰ።

11 ኑኒ ካሴ ሂንቲው ኦዲዳይሳዳ ዎፑ ጊዳ ዴዐቀ ዴዲቴ። ሂንቲ፣ ሂንቲ ኦሶ ኦሌዲ ሂንቲው ዴሳሰ ኮሺያባ ዴሚቴ።

12 ሄሳዳ ሃኒኮ፣ አማኖናይሳታ ማታን ሂንቲ ቦንቼታና፤ ቃሲ ሂንቲና ኮሺያባሰ ኦናካ ኣዳሼኬታ።

## ጎዳ ዩሳባ

13 ኑ አሻቶ፣ አማኒዲ ሃይቁዳ አሳቲ ሃናናባ ሂንቲ ኤራና ማላ ኮዮሰ። ሂንቲ ኤንታ ጊሾ ኡፋይሲ ባይና አሳዳ ካዮቶፊቴ።

14 ኑኒ፡ ዩሱሲ ሃይቂዳይሳኔ ቃሲ ሃይቆፔ ዴንዲዳይሳ ኣማኖስ፡ ሄሳዳካ፡ ያሳይ ዩሱሳ ኣማኒዲ ሃይቂዳይሳታ ኢያሪ ዋላ ኤሃናይሳ ኣማኖስ።

15 ጎዳይ ኑስ ኦዲዳይሳዳ ጎዳይ ያ ጋላስ ኢያሪ ጋሄታናው ኑኒ ጋፃ ዴዔይሳቲ፡ ሃይቂዳይሳታፔ ሲጎላቶኮ።

16 ጎዳይ ዋልቃማ ኪታራ፡ ኪታንቸታ ሃላቃ ገርሳራ፡ ያሳ ሞይዜ ፑኖራ፡ ሳሎፔ ዋቆና፡ ኪሪሰቶሳ ኣማኒዲ ሃይቂዳይሳቲ ኮይሮቲዲ ሃይቆፔ ዴንዳና።

17 ሄሳፌ ጉዩ፡ ሄ ዋዴ ኑኒ ጋፃ ዴዔይሳቲ፡ ጎዳራ ቫራን ጋሄታናው ኤንታራ ኢሲፌ ሳሎ ኤኬታና። ሄሳፌ ጉዩ፡ ኑኒ ጎዳራ ኢሲፌ ሜሪናው ዳና።

18 ሄሳ ገሾ፡ ሃ ቃላን ኢሶይ ኢሱዋ ሚንጹሌቴ።

# 5

## ጎዳ ዩሳ ገጊዲ ናገቲ

1 ታ ኢሻቶ፡ ሃ ሃኖቲ ሃናና ዋዲያኔ ኣኔና ሂንቴው ፃፋናው ኮሺና።

2 ጎዳ ጋላሳይ ካይሶይ ቃማ ዩይሳዳ ያናይሳ ሂንቴ ሎይሌ ኤሬታ።

3 ኣሳይ፡ «ሳራ ሳሮ፡ ኣይኮይካ ሃኔና» ያገሺን፡ ማጫስ ኢቁሌ ኦይኬይሳዳ ቆዮይ ኤንቲ ቆፖና ኤንታ ቦላ ያና። ኤንቲ ኣይ ኦጌንካ ኬሲ ኤኮኮና።

4 ሺን ኑ ኢሻቶ፡ ሄ ጋላሳይ ሂንቴው ካይሶይ ዩይሳዳ ያናው ሂንቴ ቆማን ዴዔኬታ።

5 ሂንቴ ኡባይ ፖዖ ኣሲኔ ጋላሳን ዴዒያ ኣሲ፤ ኑኒ ቃማ ኣሲ ዋይኮ ቆማ ኣሲ ገደኮ።

6 ሄሳ ገሾ፡ ኑኒ ሃራቲ ቋስኬይሳዳ ቋስካናው ቤሴና፤ ኑኒ ባርካንወኔ ገጊዲ ዳናው ቤሴስ።

7 ቋስኬይሳቲ ቃማ ቋስኮሶና፤ ማሉቲይሳቲ ቃማ ማሉቶሶና።

8 ሺን ኑኒ ጋላሳ ኣሲ ገዲያ ገሾ ገጊዲ ዳናው ቤሴስ። ኣማኖኔ ሲቆ ፀራሬዳ ቲራን ማዒዲ፡ ኣቶቴሳ ኡፋይሳ ሁዔን ዋሊያ ኦላ ቢራታ ባርኔፃዳ ዋሊዲ ዳናው ቤሴስ።

9 ያሳይ ኑና ኑ ጎዳ ዩሱሰ ኪሪሰቶሳ ባጋራ ኩሜላ ኣቶቴሌ ኤካና ሜላ ደሪሰፔ ኣቲን ሃንቆስ ደሪቤና።

10 ኮኒ ፓፃ ዴዒን ዎይኮ ሃይቁን፣ ኪሪሰቶሲ ያ ዎዴ ኢያራ ኢሲፌ ዳና ማላ ኪሪሰቶሲ ኑ ጊሾ ሃይቁስ።

11 ሄሳ ጊሾ፣ ሂንቴ ካሴ ኦፊይሳዳ፣ ኢሶይ ኢሱዎ ማንጹሊቴኔ ዲቸቴ።

**ወርሴላ ዞሬኔ ሳርታ**

12 ኑ ኢሻቶ፣ ሂንቴ ጊዶን ኦፊይሳታ፣ ሂንቴና ካሌፋና ማላኔ ዞራና ማላ ጎዳይ ዶሪዳይሳታ ቦንቻና ማላ ሂንቴና ዎሶስ።

13 ኤንቲ ኦሊያ ኦሱዎ ጊሾ ኤንታ ዳር ቦንቸቴኔ ሲቁቴ። ኢሶይ ኢሱዎራ ሳርቴሳን ዴዒቴ።

14 ኑ ኢሻቶ፣ ኮኒ ሂንቴና ዞርስ። ቦዛታ ሃንቁቴ፤ ባቤይሳታ ማንጹሊቴ፤ ዳቡራንቸታ ማዲቴ፤ አሴ ኡባ ዳንዳዒቴ።

15 ኦኒካ ኢታ ጊሾ ኢታ ዛርና ማላ ናጌቴቴ። ሂንቴ ዎሊሲኔ አሳ ኡባሰ ሎዎባ ኦፋናው ማኒቴ።

16 ኡባ ዎዴ ኡፋይቴቴ።

17 ኡባ ዎዴ ያሳ ዎሲቴ።

18 ኡባባን ጋላቴቴ። ኪሪሰቶሰ ዬሱሳ ባጋራ ያሳይ ሂንቴፌ ኮዬይ ሄሳ።

19 ጌሻ አያና ኦሱዎ ቶይሶፒቴ።

20 ቲንቢቴ ቃላ ካቶፒቴ።

21 ኡባባ ፓፊቴ፤ ሎዎባ ኤኪቴ።

22 ኢታ ኦሶ ኡባፌ ሃኪቴ።

23 ሳር ኢሚያ ያሳይ ባ ሁዔን ሂንቴና ፖሎ ጌሾ። ኑ ጎዳይ ዬሱሰ ኪሪሰቶሲ ያና ጋላሳስ፣ ያሳይ ሂንቴ አያና፣ ሂንቴ ሸምፑዎኔ ሂንቴ ኩሜላ አሳቴላ ቦሬይ ባይና ናጎ።

24 ሂንቴና ቄጌይሲ አማኔቴዳይሳ ጊዲያ ጊሾ ሄሳ ኢ ፖላና።

25 ኑ ኢሻቶ፣ ኑሰ ያሳ ዎሲቴ።

26 አማኒያ አሳ ኡባ ጌሻ ዬሬቴላን ሳርሊቴ።

27 ሂንቴ ሃ ኪታ አማኒያ አሳ ኡባሰ ናባባናዳ ጎዳ ሱንፋን ሂንቴና ዎሳይሲ።

28 ኑ ጎዳ ዬሱሰ ኪሪሰቶሳ አቶ ኬሃቴላይ ሂንቴራ ኢሲፌ ጊዶ። አማንዒ።

**ኦራሳ ጩቂዋ ጎፋላ**  
**New Testament in Gofa**

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.



2014-04-25

---

PDF generated using Haiola and XeLaTeX on 18 Apr 2025 from source  
files dated 29 Jan 2022

c35d6c73-3843-5482-b53e-7559d35deee5